

Ini tiga peristiwa yang membawa kepada pengisytiharan Rukun Negara
Astro Awani
09 Julai 2020
Hasimi Muhamad,

TAHUN ini genap ulang tahun ke-50 pengisytiharan Rukun Negara oleh Seri Paduka Baginda Yang di-Pertuan Agong IV Almarhum Tuanku Ismail Nasiruddin Shah Ibni Almarhum Sultan Zainal Abidin.

Walaupun sudah 50 tahun, usaha bagi memastikan penghayatan rakyat terhadap Rukun Negara sentiasa berada pada tahap yang tinggi terus dilakukan.

Baru-baru ini, Menteri Komunikasi dan Multimedia Datuk Saifuddin Abdullah mendedahkan, sudah ada perbincangan untuk mewujudkan pasukan petugas khas Rukun Negara yang akan dibawa ke mesyuarat Kabinet.

Sempena ulang tahun Rukun Negara yang ke-50, kami membawakan semula tiga peristiwa penting yang membawa kepada kelahiran Rukun Negara.

1. Peristiwa 13 Mei 1969

Peristiwa 13 Mei berlaku beberapa hari selepas pilihan raya ketiga yang menyaksikan Parti Perikatan gagal mempertahankan majoriti dua per tiga di Dewan Rakyat.

Pertelingkahan antara kaum dipercayai tercetus akibat penghinaan antara itu mengorbankan lebih 196 nyawa sementara 149 lagi cedera.

2. Penubuhan MAGERAN

Peristiwa 13 Mei menyebabkan kerajaan terpaksa mengisytiharkan darurat selama 22 bulan. Serentak itu Parlimen digantung dan Majlis Gerakan Negara (MAGERAN) ditubuhkan untuk menjalankan pentadbiran negara.

Majlis itu diketuai Tun Abdul Razak selaku pengarah operasi.

3. Penubuhan Majlis Perundingan Negara

Majlis Perundingan Negara ditubuhkan melalui MAGERAN yang bertanggungjawab dalam merangka merangka perpaduan negara dan salah satu hasilnya adalah lahirnya satu ideologi kebangsaan iaitu Rukun Negara yang digubal sebagai falsafah negara dan pendekatan baru bagi mewujudkan sebuah negara yang stabil.

**© 2020 Astro Awani Network Sdn. Bhd.
(535275-D) All Rights Reserved.**

Source: <http://www.astroawani.com/berita-malaysia/ini-tiga-peristiwa-yang-membawa-kepada-pengisytiharan-rukun-negara-250415>